

ملخص الكتاب المقدس

ملخص الكتاب المقدس كله ... ربنا بيحبنا و عايزنا نكون أصحابه ... و إحنا بنقبل صداقة ربنا
لما نسمع كلام ربنا يسوع و نمشي وراه

☰ الملخص

? سؤال

هو الكتاب المقدس بيتكلم عن إيه؟

🔑 الإجابة

القصة الحقيقية لربنا و لنا ... و قد إيه ربنا بيحبنا

📧 نشوف إيه؟


- ربنا خلقنا على صورته و مثاله ... بيحبنا و عايزنا نستمتع بالعلاقة معاه و صداقته
- بس إحنا غلطنا (لما آدم و حواء خالفوا وصية ربنا) ... و الخطية بؤت كل حاجة
- بس من محبة ربنا لنا، بعث لنا ابنه الوحيد ربنا يسوع المسيح ... عشان يفدينا و يحزرننا من الخطية ... و يصلحنا مع ربنا تاني
- و بعد ما ربنا يسوع مات على الصليب عشان يدفع تمن خطايانا ... قام بعد 3 أيام و غلب الموت ... و صعد للسما
- لكن ماسبناش لوحدنا ... بعث لنا الروح القدس اللي بناخده جوانا في سر الميرون بعد المعمودية ... الروح القدس هو اللي بيساعدنا نعيش زي ربنا يسوع
- و معانا كلمة ربنا (الكتاب المقدس) ... لما نقراه نفهم خطة ربنا العظيمة لنا و قد إيه هو بيحبنا
- و لما نؤمن باللي عمله ربنا يسوع ... و نمشي وراه ... هنرجع تاني أصحاب لربنا
- ربنا بيحب كل الناس ... كلهم من غير استثناء ... بما فيهم انت طبعاً ... و انت تقدر تبقى جزء من عيلة ربنا لما تمشي وراه ربنا يسوع و تسمع كلامه



- المدرسة بنروحها عشان نتعلّم
- **و الكتاب المقدس هو مدرستنا ... اللي بتعلّمنا الحقيقة عن ربنا**
- **لما أقرأه باعرف قد إيه ربنا بيحبني ... و إزاي أعيش زي ربنا يسوع**



- المعلقة بنستخدمها عشان نوكل نفسنا
- **و كلمة ربنا هي أكل روحنا و قلبنا ... لازم نقرأها باستمرار زي ما بناكل باستمرار**
- **خصوصاً لما نبقى جعانيين حب أو فرح ... الإنجيل أحلى و أنصف أكل**



- مفتاح النور احنا بنستخدمه عشان نفتح أو نقفل النور
- **و الإنجيل هو المفتاح ده لنور قلبنا ... لما نقرأ الإنجيل قلبنا ينور و يفهم ربنا ... و لو مقاريناهوش ... قلبنا هيضلم**

! المشكلة

ساعات بنزعل و نفتكر إن ماحدث بيحبنا و عايز يبقى صاحبنا ☹️

💡 الحل

ربنا دائماً عايز يبقى صاحبنا
هي دي الحقيقة اللي بيعلمها لنا الإنجيل
و إحنا نقبل كده بإننا نصدق ربنا يسوع و نمشي على كلامه 😊

📅 الزمن

كل زمان

📍 المكان

كل مكان

👤 الشخصيات

- ربنا
- كل واحد فينا

✝️ تعالَى نحفظ

كل الكتاب (الكتاب المقدس) هو موكى به من الله، و نافع للتعليم و التوبيخ، للتقويم و التأديب
الذي في البر (تيموثاوس الثانية 3 : 16)

🙏 تعالَى نطلي

يا رب ... أنا مؤمن إن ربنا يسوع مات على الصليب عشان بدفع تمن غلطاتي أنا ... أؤمن إنه قام في
اليوم الثالث و غلب الموت ... و بكده بقيت أنا حُر
ساعدي يا رب أعرفك أكثر و أعيش زي ربنا يسوع
ساعدي أحب الإنجيل عشان أعرفك و أعرف محبتك لي
أمين

💡 تعالَى نفتكر

ربنا بيحب كل واحد فينا ... و عايز يبقى صاحب كل واحد فينا ... و الكتاب المقدس هو اللي بينفعنا و
يقول لنا الحقيقة عن ربنا

📖 المصدر:

